

Na osnovu člana 2., 8. 13., 15. i 35. Zakona o principima lokalne samouprave u Federaciji Bosne i Hercegovine ("Službene novine FBiH" broj: 49/06, 51/09), člana 8. Zakona o pogrebnoj djelatnosti i o uređivanju i održavanju grobalja ("Službeni list SR BiH" broj 5/77), člana 9. Zakona o komunalnim djelatnostima ("Službene novine Kantona sarajevo" broj: 14/16, 43/16, 10/17, 19/17, 20/18 i 22/19), člana 55. i 104. Statuta općine Ilijaš – prečišćeni tekst ("Službene novine Kantona Sarajevo" broj 20/09 i 46/18) i člana 99. Poslovnika o radu Općinskog vijeća Ilijaš ("Službene novine Kantona Sarajevo" broj 2/10, 18/15 i 7/19), Općinsko vijeće Ilijaš na svojoj 16. sjednici održanoj dana 29.04.2022. godine donijelo je

## **O D L U K U**

### **o rješavanju statusa i upravljanja mezarjima - grobljima na području općine Ilijaš**

#### **I – OPĆE ODREDBE**

##### **Član 1.**

Ovom Odlukom bliže se definiše:

- upravljanje mezarjem – grobljem i pratećom infrastrukturom;
- održavanje grobalja – mezarja i prateće infrastrukture;
- način i uslovi za ustupanje grobnih mjesta;
- obavljanje ukopa umrle osobe;
- ekshumacija posmrtnih ostataka;
- zaštita grobalja – mezarja;
- nadzor i završne odredbe.

##### **Član 2.**

Mezarje - groblje je ograđeni prostor zemljišta namijenjen za sahranu umrlih, opremljen potrebnim komunalnim objektima i infrastrukturom, na kojem je ukopano više od 5 umrlih, a koji je evidentiran u katastarskim evidencijama. Sastavnim dijelom mezarja - groblja smatraju se i prateći objekti i uređaji koji su izgrađeni na mezarju - groblju i služe za ukop i sahranjivanje i korištenje mezarja - groblja.

##### **Član 3.**

- (1) Mezarje - groblje u upotrebi predstavlja zemljište iz člana 2. ove Odluke na kojem se vrši sahranjivanje umrlih lica.
- (2) Mezarjem - grobljem van upotrebe smatra se zemljište na kojem je obustavljeno sahranjivanje zbog nemogućnosti vršenja ukopa usljed prostornih, sanitarnih ili drugih opravdanih razloga.

##### **Član 4.**

Grobno mjesto podrazumijeva geometrijski određeno ili na drugi način obilježeno zemljište pogodno za ukop i sahranjivanje umrlih.

##### **Član 5.**

- (1) Komunalnim objektom u smislu ove Odluke smatra se prateća građevina izgrađena na prostoru mezarja - groblja, a neophodna u samom procesu ukopa umrle osobe (mrtvačnica, gasulhana, prostorija za izlaganje na odar i ispraćaj umrlih, sanitarne



prostorije).

(2) Infrastrukturuom u smislu ove Odluke smatraju se ceste, staze, stepenice, platoi, vodovodna mreža, kanalizaciona mreža, drenažna mreža, rigoli, elektro instalacije, ograde, parkovske klupe, korpe za smeće, rasvjetna tijela, ukrasno grmlje, sezonsko cvijeće i druga slična oprema.

## II UPRAVLJANJE MEZARJEM - GROBLJEM I PRATEĆOM INFRASTRUKTUROM

### Član 6.

Pod upravljanjem mezarjem – grobljem podrazumijeva se sljedeće:

- organizacija vjerskih i pokopnih djelatnosti;
- vođenje službene evidencije umrlih osoba ukopanih po svakom mezarju - groblju posebno;
- retroaktivni unos umrlih osoba za svako mezarje - groblje posebno;
- izrada projekta grobnih mjesta za svako mezarje - groblje;
- svi drugi poslovi u vezi organizacije vjerskog obreda dženaze ili sahrane.

### Član 7.

- (1) Upravljanje mezarjem u MZ Stari Ilijaš – staro i novo mezarje, ovom Odlukom, a u skladu sa mišljenjem Džematskog odbora Stari Ilijaš, dodjeljuje se Medžlisu islamske zajednice i Džematskom odboru Stari Ilijaš, vodeći računa o interesima Džematskog odbora i džemata Stari Ilijaš. U navedenom mezarju obavljati će se ukop umrlih osoba sa područja općine Ilijaš .
- (2) Upravljanje mezarjem u MZ Ljubnići ovom Odlukom, a u skladu sa mišljenjem džemata sa područja MZ Ljubnići, te džemata Mrakovo, Novi Ilijaš i Podlugovi dodjeljuje se Medžlisu islamske zajednice, džematu sa područja MZ Ljubnići i džematskim odborima Mrakovo, Novi Ilijaš i Podlugovi, vodeći računa o interesima pomenutih džematskih odbora i džemata sa područja MZ Ljubnići, Mrakovo, Novi Ilijaš i Podlugovi. U navedenom mezarju obavljati će se ukop umrlih osoba sa područja općine Ilijaš.
- (3) Upravljanje mezarjem u MZ Malešići – novo mezarje, ovom Odlukom, a u skladu sa mišljenjem Džematskog odbora Malešići, dodjeljuje se Medžlisu islamske zajednice i Džematskom odboru Malešići vodeći računa o interesima Džematskog odbora i džemata Malešići. U navedenom mezarju obavljati će se ukop umrlih osoba sa područja općine Ilijaš.
- (4) Po stupanju na snagu Odluke, na osnovu iste, donijeti će se poseban akt kojim će se regulisati međusobna prava i obaveze davaoca i primatelja upravljanja nad mezarjima, uz prethodno pribavljeno mišljenje Pravobranilaštva Kantona Sarajevo.
- (5) Ukoliko upravitelj mezarjima navedenim u stavu (1), (2) i (3) ovog člana upravljanje ne bude obavljao pažnjom dobrog domaćina i u interesu lokalnog stanovništva Općina Ilijaš zadržava pravo da preneseno uprtavljanje vrati u nadležnost općine Ilijaš.

### Član 8.

- (1) Obaveze Medžlisa islamske zajednice, kao upravitelja mezarjima navedenim u članu 7. ove Odluke su sljedeće:
  - otvaranje i finansiranje kancelarije Medžlisa islamske zajednice u Ilijašu u kojoj će biti stalno uposlena jedna osoba, a gdje će se građanima Ilijaša omogućiti pružanje



- svih usluga vezanih za vjersku i pokopnu djelatnost;
  - organizacija vjerskih i pokopnih djelatnosti;
  - vođenje službene evidencije umrlih osoba ukopanih po svakom mezarju posebno;
  - retroaktivni unos umrlih osoba za svako posebno;
  - izrada projekta grobnih mjesta za svako mezarje;
  - svi drugi poslovi u vezi organizacije vjerskog obreda dženaze.
- (2) Obaveze džemata Stari Ilijaš, Ljubnići, Mrakovo, Novi Ilijaš, Podlugovi i Malešići su:
- redovno održavanje mezaristana u smislu košenja trave, uklanjanja snijega i svih drugih radnji neophodnih za njihovo redovno održavanje.
  - Naplata naknada, raspodjela naplaćenih naknada za mezarja iz člana 7. ove Odluke kao i regulisanje ostalih međusobnih prava i obaveza, a shodno ranije postignutom dogovoru, biti će određena posebnim Pravilnikom o upravljanju navedenim mezaristanima koji će zajedno izraditi Medžlis islamske zajednice i Džematski odbori Stari Ilijaš, Ljubnići, Mrakovo, Novi Ilijaš, Podlugovi i Malešići.
- (3) Po usvajanju Pravilnika iz stava (2) ove Odluke isti se obavezno dostavlja Općini Ilijaš na znanje.
- (4) Izuzetak od stava (1), alineja 2, ovog člana Odluke predstavljaju pokopne usluge za koje mogu biti angažovana, po slobodnom izboru, pravna lica registrovana za obavljanje navedene djelatnosti, a u skladu sa aktima upravitelja.

#### **Član 9.**

- (1) Korištenje mezarja na području općine Ilijaš, neopisanih u članu 7. ove Odluke, a u kojima se vrši ukop umrlih lica islamske vjeroispovijesti povjerava se Džematskim odborima, koji upravljanje mezarjima moraju obavljati s pažnjom dobrog domaćina i u interesu lokalnog stanovništva. Na istim je moguće vršiti ukop umrlih osoba sa područja naseljenog mjesta kojem mezarje pripada.
- (2) Upravljanje grobljima u kojima se kopaju umrle osobe katoličke i pravoslavne vjeroispovijesti vrši se po ustaljenoj praksi i tradiciji, pažnjom dobrog domaćina i u interesu lokalnog stanovništva.
- (3) Upravljanje mezarjima u dvorištima vjerskih objekata džamija – haremima džamija obavlja se u skladu sa Odlukom Izvršnog odbora Medžlisa islamske zajednice Sarajevo.

#### **Član 10.**

- (1) Eventualna naplata naknada, raspodjela naplaćenih naknada za mezarja iz člana 9. stav (1) ove odluke, biti će određena posebnim Pravilnikom o upravljanju navedenim mezaristanima za čiju izradu se zadužuje korisnik mezarja, a koji se dostavlja Općini Ilijaš, na znanje.
- (2) Ukop umrlih osoba na grobljima opisanim u članu 9. stav (2) ove Odluke obavlja se po propisima vjerskih zajednica kojima groblja pripadaju.

### **III ODRŽAVANJE MEZARJA - GROBALJA I PRATEĆE INFRASTRUKTURE**

#### **Član 11.**

- (1) Održavanje mezarja - grobalja obuhvata:
  - održavanje infrastrukturnih i pratećih objekata na mezarju - groblju;
  - redovno čišćenje, prikupljanje i odvoženje otpadaka sa površine mezarja - groblja;
  - redovno košenje trave na slobodnim površinama mezarja - groblja;



- redovno okopavanje i orezivanje ukrasnog drveća i grmlja na mezarju - groblju.

#### **Član 12.**

- (1) Na mezarjima – grobljima, osim izgradnje nadgrobnih spomenika, nije dozvoljena gradnja bilo kakvih objekata koji nisu vezani za korištenje, uređenje, održavanje i upravljanje mezarjem - grobljem.
- (2) Na mezarjima - grobljima mora se predvidjeti i higijenski urediti poseban prostor za smještaj otpadaka, spaljivanje vijenaca i slično, o čemu se stara upravitelj.

#### **Član 13.**

- (1) Sva mezarja - groblja moraju biti ograđena ogradom za čiju izgradnju se upotrebljavaju trajni materijali ili ukrasno zelenilo.
- (2) Sva mezarja - groblja moraju se održavati urednim i biti u čistom stanju.
- (3) Na ulazu u mezarje - groblje mora biti vidno izložen natpis koji sadrži osnovne podatke: naziv mezarja - groblja , mjesto i upravitelj.

#### **Član 14.**

- (1) Sva mezarja - groblja moraju imati pristupne puteve.
- (2) Pristupni putevi za mezarja - groblja moraju biti evidentirani u katastarskoj i zemljišnoknjižnoj evidenciji sa upisom korisnika/vlasnika na ime jedinice lokalne samouprave.
- (3) Sva mezarja - groblja moraju imati urađen plan parcelacije u elektronskoj formi koji bi predstavljao osnov za uspostavu katastra mezarja - grobalja za područje općine Ilijaš.

#### **Član 15.**

- (1) Naknadu za održavanje mezarja iz člana 7. ove Odluke, posebnom odlukom određuju Medžlis islamske zajednice i Džematski odbor džemata na čijem području se mezarje nalazi.
- (2) Naknadu sa održavanje mezarja iz člana 9. stav 1. ove Odluke, posebnom odlukom određuje Džematski odbor na čijem području se nalazi mezarje.
- (3) Naknadu za održavanje groblja iz člana 9. stav 2. ove Odluke, posebnom odlukom određuje vjerska zajednica kojoj groblje i pripada.

#### **Član 16.**

Upravitelj mezarjem - grobljem dužan je obaveze propisane članom 13. i 14. ove Odluke implementirati u periodu od 12. mjeseci od dana stupanja na snagu ove Odluke.

### **IV NAČIN I USLOVI ZA USTUPANJE GROBNOG MJESTA**

#### **Član 17.**

- (1) Lice koje snosi troškove ukopa obezbjeđuje grobno mjesto ili grobnicu za sahranjivanje – dženazu – ukop umrlog.
- (2) Ustupanje na korištenje grobnog mjesta iz prethodnog stava može se vršiti i prije nego što je nastala potreba za obavljanjem ukopa umrle osobe – rezervacijom grobnog mjesta, ali samo za mezarja opisana u članu 7. ove Odluke.
- (3) Za mezarja - groblja iz člana 9., stav (1) i (2) ove Odluke, način i uslovi za ustupanje

grobnog mjesta obavljaju se prema ustaljenoj praksi i tradiciji.

(4) Za mezarja iz člana 9. stav (3) ove Odluke, način i uslovi za ustupanje grobnog mjesta propisani su Odlukom Izvršnog odbora Medžlisa islamske zajednice Sarajevo.

## **V OBAVLJANJE UKOPA UMRLE OSOBE**

### **Član 18.**

(1) Ukop umrlih može se obaviti samo na prostoru definisanom kao mezarje - groblje.

(2) Zabranjeno je vršenje ukopa umrle osobe van prostora definisanog kao mezarje - groblje.

(3) Za umrle koji budu ukopani van mezarja - groblja, rješenjem nadležnog inspektora odrediti će se ekshumacija, odnosno izmještanje na lokaciju koja ima status mezarja - groblja, sve o trošku porodice umrlog, odnosno lica koje je bilo dužno izvršiti obezbjeđenje grobnog mjesta ili grobnice za umrlu osobu.

### **Član 19.**

Ukop i sahranjivanje umrle osobe po pravilu se vrši u redove. Između svaka dva reda mora postojati slobodan prostor – put širine najmanje 0,5 metara, dok razmak između grobnih mjesta ne smije biti manji od 0,5 metara.

### **Član 20.**

(1) O ukopu umrle osobe stara se i troškove istog snosi lice koje je prema odgovarajućim propisima bilo dužno umrlog i da izdržava, odnosno o istom se staralo.

(2) Ako lice iz stava (1) ovog člana ne postoji, onda se ukop umrle osobe vrši prema pozitivnim zakonskim propisima koji tretiraju ovu oblast.

## **VI EKSHUMACIJA POSMRJNIH OSTATAKA**

### **Član 21.**

(1) Ekshumacija posmrtnih ostataka može se vršiti na zahtjev članova porodice umrle osobe, po službenoj dužnosti kada za to postoje opravdani razlozi i na osnovu odluke suda radi obavljanja uviđaja.

(2) Članovima porodice, u smislu stava (1) ovog člana smatraju se: bračni i vanbračni drug umrlog, bračna i vanbračna djeca umrlog, te roditelji istog.

(3) Ekshumacija posmrtnih ostataka umrle osobe obavlja se u skladu sa pozitivnom zakonskom regulativom kojom je definisana pomenuta oblast.

### **Član 22.**

(1) Odobrenje za ekshumaciju daje organ nadležan za sanitarne poslove.

(2) Troškove ekshumacije i prenošćenja posmrtnih ostataka, ako se ista vrši po zahtjevu člana porodice umrlog, padaju na teret lica koje je i podnijelo zahtjev za ekshumaciju i po čijem zahtjevu je dato odobrenje za iskopavanje i prijenos posmrtnih ostataka.

(3) Ekshumaciju obavljaju uposlenici preduzeća registrovanog za obavljanje pogrebne djelatnosti.

## **VII ZAŠTITA GROBALJA – MEZARJA**



### Član 23.

Vjerska zajednica ili džemat koji upravlja mezarjem - grobljem dužni su obezbijediti nadzor i zaštitu nad mezarjima - grobljima.

### Član 24.

Na mezarju - groblju, a u cilju njegove zaštite, zabranjeno je sljedeće:

- uništavanje nadgrobni spomenika, ograde, vijenaca cvijeća, ukrasnog bilja i drugih obilježja koja služe pijetetu imrlim;
- šaranje po nadgrobni spomenicima, ogradama i drugim objektima na groblju – mezarju, ispisivanje natpisa koji na bilo koji način vrijeđaju nacionalni, vjerski osjećaj ili pijetet prema umrlim;
- gaženje grobova – mezara ili nasada na groblju – mezarju;
- bacanje uvelih vijenaca, cvijeća i drugih otpadaka van mjesta koje je za to predviđeno i posebno ograđeno;
- svaki oblik trgovine u prostoru predviđenom za groblje – mezarje;
- prosjačenje u prostoru groblja – mezarja;
- dovođenje pasa i drugih životinja kao i njihovo napasanje;
- korištenje prevoznih sredstava osim invalidskih kolica i vozila koja se koriste za dovoz umrle osobe;
- zasađivanje voća i povrća,
- ulaženje u mrtvačnicu bez odobrenja upravitelja ili odgovornog lica zaduženog za pomenuti objekat;
- svaki drugi postupak ili radnja kojom se oskrnavljuje nadgrobni spomenik, mezar - grob i mezarje - groblje.

### Član 25.

Za vršenje zanatskih radova i usluga na mezarjima - grobljima važe, pored ostalih propisa još i sljedeće odredbe:

1. Upravitelj koji upravlja mezarjem svojim aktom određuje uslove i način izvođenja zanatskih radova te može, u određene dane i u određeno doba, da zabrani izvođenje zanatskih radova na mezarjima - grobljima ili na pojedinim dijelovima mezarja - groblja;
2. Radovi na mezarju - groblju treba da se izvode tako da se do najveće mjere očuva mir i dostojanstvo mezarja - groblja. Radovi se u radne dane mogu vršiti do 18 sati;
3. Građevinski materijal (kamen, građa, pijesak i drugo) može se držati na groblju – mezarju samo u potrebnoj količini i za vrijeme vršenja radova, tako da se time ne ometa saobraćaj na groblju – mezarju. U slučaju prekida radova izvođač je dužan da radilište bez odlaganja dovede u prvobitno stanje o svom trošku;
4. Ukoliko se u toku izvođenja građevinskih radova pronađu dijelovi sanduka ili ostaci kostiju, započeti radovi se obustavljaju i o istom se obavještava upravitelj mezarjem – grobljem kojem se i predaju pronađeni ostaci.
5. Izvođaču radova koji se ne pridržava odredaba ove Odluke kod izvođenja radova, zabranit će se rad na mezarju - groblju.

## VIII NADZOR

### Član 26.

(1) Nadzor nad primjenom odredaba ove Odluke vršiti će komunalni, građevinski i sanitarni

inspektor svako u okviru svoje nadležnosti.

(2) Organ nadležan za nadzor nad primjenom ove Odluke ima pravo i dužnost da rješenjem nalaže pravnim i fizičkim licima otklanjanje određenih nedostataka i preduzimanje drugih mjera propisanih Zakonom i ovom Odlukom, kao i da u skladu sa Zakonom o prekršajima Federacije Bosne i Hercegovine izriče novčane kazne izdavanjem prekršajnog naloga, te podnosi zahtjev za pokretanje prekršajnog postupka kod nadležnog suda.

## IX ZAVRŠNE ODREDBE

### Član 27.

(1) Upravitelj mezarja - groblja dužan je utvrditi pravila i postupati po istim za:

- način i uslove upravljanja grobljem i pratećom infrastrukturom,
- uređivanje i održavanje grobnih mjesta i nadgrobnih spomenika,
- način i uslovi ustupanja i korištenja grobnih mjesta,
- upis određenih podataka na nadgrobnim spomenicima,
- uslove i način sahranjivanja.

(2) U postupku donošenja pravila upravitelju su dužni iste u potpunosti uskladiti sa ovom Odlukom.

### Član 28.

(1) Period u kojem su upravitelji mezarjima - grobljima dužni obezbijediti uslove propisane poglavljem III ove Odluke je 12 mjeseci od dana stupanja na snagu ove Odluke.

(2) Izvještaj o provedenim aktivnostima iz stava (1) ovog člana upravitelju su dužni dostaviti Općini Ilijaš, na znanje.

### Član 29.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-939-2 /2022  
Ilijaš, 29.04. 2022. godine



PREDSJEDAVAJUĆA  
OPĆINSKOG VIJEĆA

[Redacted signature]

[Redacted signature]